

Partido Mep:
VELD DI ENSENJANSA
MERECE MIHOR
A laga un surplus di 500 miyon florin cu
por paga structura salarial nobo



WWW.SOLODIPUEBLO.COM



SOLODIPUEBLO@GMAIL.COM

PARTIDO MEP:

PROME MINISTER MIKE EMAN A PINTA ARUBA HOPI MALO NA TV HULANDES

E retonan di nos pais mester di accion cu determinacion



PROMESANAN DI GOBIERNO PA BAHAM PRIJS Y MEHORA CALIDAD DI BIDA NO A TRADUCI DEN REALIDAD



FRACCION DI MEP TA ENTREGA UN PETICION PA UN ENCUENTRO PUBLICO RIBA E SITUACION DI



Parlamentario Dangui Oduber:
**“TA URGU PA INTRODUCI
REGULACION PA VACATION RENTALS
MAS LIHE CU TA POSIBEL”**



ARUBA TA FELICITA ARMENIA CU NAN DIA NACIONAL



Den Haag – Directora di Gabinete di Aruba Joselin Croes LL.M/M. Sc a atende na Pulchri Studio na Den Haag un

recepccion na ocasion di Dia Nacional di Armenia. Señora Croes a felicita embahador Viktor Biyagov den nomber di Gobierno

di Aruba cu e celebracion di nan dia nacional. Republica di Armenia ta celebra e aña aki 34 aña di independencia.

Durante di e recepccion Joselin Croes a haci uso di e oportunidad pa papia cu embahador di otro paisnan y combersa cu Minister Plenipotenciario di St. Maarten Gracita Arrindell y Minister Plenipotenciario di Curaçao Carlson Manuel. Tambe ela haci uso di e oportunidad pa fortaleza



su network den e mundo diplomatico na Den Haag.

Nota pa redaccion: E potretnan ta cortesía di Gabinete di Aruba

FRACCION DI MEP TA ENTREGA UN PETICION PA UN ENCUENTRO PUBLICO RIBA E SITUACION DI CUIDO DI NOS ADULTONAN MAYOR

Fraccion di MEP a entrega un peticion oficial na Presidente di Parlamento pa yama un encuentro publico (openbare bijeenkomst) mas pronto cu ta posibel pa trata e situacion den cuido di nos adultonan mayor na Aruba.

E peticion ta basa riba un publicacion recien di NOS.nl titula "Crisis in ouderenzorg Aruba, families durven nauwelijks te praten", cu a causa hopi preocupacion den comunidad. Den e reportahe aki, ta wordo muestra manera e cuidu pa nos adultonan mayor ta den un situacion alarmante, y cu famianan ta sinti temor pa papia publicamente riba e condicionnan den e

centronan di cuidu.

Segun Fraccion di MEP, e publicacion aki a lanta hopi pregunta riba e maneho, ehecucion y responsabilidad di gobierno den relacion cu e cuidu di adultonan mayor, y ta muestra claramente cu tin urgencia pa ricibi splicacion y transparencia riba e tematica aki.

Fraccion di MEP ta pidi pa yama e Minister di Salubridad, Asunto Social, Cuido di Adulto Mayor y Maneho di Adiccion, sra. drs. Mervin Wyatt-Ras, y tambe Directie Ouderenzaken, pa duna claridad riba e situacion actual y pa contesta preguntanan di Parlamento y di pueblo.

Fraccion di MEP ta kere cu e reunion aki ta fundamental pa:

1. Compronde e situacion actual den e sector di cuidu di adultonan mayor na Aruba;
2. Wordo poni na altura di e medidanan cu a y lo bay wordo tuma;
3. Mira cu gobierno ta traha cu institucionnan y famianan di adultonan pa mayor; y
4. Ricibi informa ki pasonan concreto lo ser tuma pa preveni abuso y mehora e bienestar di nos adultonan mayor.

Fraccion di MEP ta spera cu Presidente di Parlamento por honra nan peticion mas lihe cu ta posibel, pa asina



PARLAMENTO DI ARUBA
Fractie Movimiento Electoral di Pueblo

Aan de Voorzitter van de Staten van Aruba
Sr. A.M. Sneek
L.G. Smith Boulevard 72
/Albini

Betref: Verzoek tot openbare bijeenkomst inzake de situatie in de ouderenzorg op Aruba
Aruba, 7 oktober 2025

Gesachte voorzitter,

Naar aanleiding van recente berichtgeving in de media, waaronder het artikel op NOS.nl met de titel "Crisis in ouderenzorg Aruba, families durven nauwelijks te praten", waarin ernstige zorgen worden geuit over de behandeling en leefomstandigheden van onze ouderen, achten ondergetekenden het noodzakelijk, dat hierover verantwoording wordt afgelegd.

De genoemde publicatie heeft grote maatschappelijke ongerustheid veroorzaakt en vragen opgeroepen over het beleid, de uitvoering en de verantwoordelijkheid van de overheid ten aanzien van de ouderenzorg op Aruba.

Met het oog op transparantie en de dringende noodzaak om deze situatie recht te zetten, verzoeken ondergetekenden u vriendelijk doch dringend om een openbare bijeenkomst op te roepen, waarbij worden uitgesproken:

- De Minister van Volksgezondheid, Sociale Zaken en Ouderenzorg, mvr. drs. Melvin Wyatt-Ras; en

- de Directie Ouderenzaken.

Tijdens deze bijeenkomst kunnen de Statenleden de minister en de directie vragen stellen en nadere toelichting ontvangen over onder andere:

1. de huidige stand van zaken binnen de ouderenzorg op Aruba;
2. de concrete maatregelen die reeds genomen worden of nog gepland staan;
3. de samenwerking tussen overheid, instellingen en families; en
4. de structurele stappen die worden gezet om misstanden te voorkomen en het welzijn van

Parlamento y comunidad por ricibi claridad riba e tematica aki y pa sa kico tur gobierno ta haciendo pa

percura cu nos adultonan mayor ta ricibi un trato digno na Aruba.

Partido Mep:

VELD DI ENSEÑANSA MERECE MIHOR

A laga un surplus di 500 miyon florin cu por paga estructura salarial nobo

ORANJESTAD — Fraccion di MEP a sigui cu reunionnan den e veld di enseñansa, y mester remarca cu e malcontento ta sigui crece. E malcontento ta debi cu nan ta sinti cu e veld di enseñansa ta stagna. Cu excepcion di algun desaroyo chikito, nan ta sinti falta di dinamismo cu tabata tin antes den e veld. Principalmente riba tereno di innovacion, algo cu ta sumamente necesario den enseñansa. Pero tambe den cosnan mas chikito, manera envolimento y participacion.

E minister actual, contrario na e minister anterior, kier trek tur poder na su oficina, pero no ta tuma decision.

Asina a perhudica varios persona cu no a haya nan contract na tempo, ni nan toelagenan. Cosnan asina no tabata pasa antes. Ta un veld cu a warda hopi tempo riba un estructura salarial nobo.

Hunto cu sindicatonan y cu representante di e veld, a traha riba 3 escenario cu tabata cla pa wordo ehecuta. E gobierno anterior a laga un surplus di 500 miyon florin, cu lo por a paga pa e estructura nobo aki. Lamentablemente a toca e veld un minister nobo hopi jong y sin experiencia, cual riba su mes no mester ta un problema, pero na momento cu e inseguridad debi na falta di experiencia a transforma den arogancia



y poder, a cuminsa tranca proyectonan.

Mundo henter a celebra Dia Mundial di Maestronan diadomingo ultimo. Maestronan ta esunnan cu ta converti mentenan hoben den streanan briyante. Sin e profesion di maestro, no por tin


ningun otro profesion. Nan merece un trato mas husto. Fraccion di MEP a compromete di sigui

expresa e preocupacionnan di veld di enseñansa, te ora cu e veld haña sosten cu e merece.

CAMBIO DEN PRIJS DI PRODUCTIONAN PETROLERO 8 DI OKTOBER 2025

Minister di Finanzas, Asuntonan Economico y Sector Primario ta anuncia e prijsnan nobo di benta di combustibel entrante 8 di oktober 2025:

Gasoline unleaded-premium
: 228,7 cen p/ltr. (- 0,2 cen)
Diesel LS
: 200,0 cen p/ltr. (+ 3,6 cen)
Kerosin
: 184,9 cen p/ltr. (+ 5,3 cen)



E prijsnan ta inclui BBO/BAZV/BAVP



TRABOU DI MANTENCION RIBA LIÑA DI DISTRIBUCION MATIVIDIRI
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 9 di oktober 2025
8:00 AM te cu 4:00 PM

Den vecindario di:

- Sabanilla Abou (un parti)
- Angochi (un parti)
- Coba Lodo (un parti)
- Daimari

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

ELMAR

Parlamentario Edgard Vrolijk: PROMESANAN DI GOBIERNO PA BAHAM PRIJS Y MEHORA CALIDAD DI BIDA NO A TRADUCI DEN REALIDAD

Minister Geoffrey Wever alias Minister di Inflacion y Minister Gerlien Croes a core un campaña duro cu den 100 dia di gobernacion lo percura pa baha prijs di gasolin y diesel, lo baha inkomsten,- y loonbelasting, hisa e belastingvrije voet y lo percura pa tur prijs den supermercado ser reduci drasticamente. Pero esaki tabata solamente un percepcion crea pa convence pueblo a la AVP, pues populista pa por gana voto y drenta Gobierno cu AVP, pero realidad cos tabata diferente.

Gabinete Wever-Croes II a percura a percura pa reduccion di e porcentahe di inkomsten,- y loonbelasting Januari 2025, danki na e vision di Gabinete Wever-Croes cu ex Minister Xiomara Maduro, a percura pa reduccion substancial di e porcentahe cu ta ser paga na inkomsten,- y loonbelasting y a aumenta e suma di e belastingvrije voet cu a haci cu hasta un grupo grandi di pensionado no ta paga impuesto mas y no mester yena nan inkomstenbelasting mas y e clase medio por a bay dilanti substancialmente. FUTURO cu Minister Geoffrey Wever sinta

banda di ex Minister Xiomara Maduro den Consejo di Minister MEP/RAIZ kier a bay cu e proyecto aki tambe mane ladron di anochi pero no a logra.

Reduccion di gasolin y diesel ficticio

Manera un pauwis Minister Geoffrey Wever a sali anuncia cu entrante 1 di mei 2025 gasolin y diesel lo baha substancialmente y esaki lo ser traduci den poder di compra, y rebaho grandi den prijs. Pero awe gasolin ta mas caro y diesel hopi mas caro y e pregunta con pueblo por beneficia di esaki si nan ta paga mas na gasolin y diesel? Con nan por beneficia si prijs di transporte publico no a conoce rebaho? Con por conoce rebaho riba prijs si e producto diesel, cu ta esun mas usa den transporte di cuminda rond Aruba, ta hopi mas caro cu nunca? Pues Minister Geoffrey Wever hunto cu AVP a core un gaba cu awo si ta wak e mehoracion den cartera pero realidad ta otro.

Den 100 dia FUTURO lo baha tur prijs den supermercado FUTURO a core un campaña fuerte cu prijs lo conoce un



reduccion hamas bisto den 100 dia di gobernacion. Pero ki pueblo a haya? No tin caminda pa sconde pa e sla di e Minister di Inflacion sr Geoffrey Wever hunto cu AVP. Prijs di canasta basico ta den dal dak, prijs riba galiña, carni a conoce aumento drastico. Y ora puntra Minister di Inflacion, e ta bisabo cu tur prijs a keda mescos mientras tur instancia y rapport ta indica un aumento drastico di costo di bida.

Si no ta pa e bon maneho di Gabinete Wever-Croes II, nada e pueblo ki lo a haya. Danki na e bon maneho di ex Minister di Finanzas ful Aruba por a haya reduccion di inkomsten,- y loonbelasting, ful aparato gubernamental por a haya 11.7% di indexering, por a baha

invoerrecchten riba productonan di cuminda sino awe e sla lo ta pio na man di Minister di Inflacion Geoffrey Wever y AVP. Y ainda a laga mas cu 500 miyon cu por a duna aumento di reparatietoeslag na nos grandinan y laga hopi placa pa duna maestronan tambe nan aumento tanto warda. Pues locual pueblo a experiencia e 7 lunanan aki ta sla tras di sla di Minister Geoffrey Wever y AVP, mientras cu na man di Gabinete Wever Croes pueblo por a wak adelanto y speransa pa mas adelanto. Cu Minister Geoffrey Wever, Futuro y AVP ta show y mas malgastamento di placa sin fin na amigonan y persecucion politico riba tur nivel, dunando un sabor amargo cu Aruba ta drenta di un era di dictadura.

OM TA SACA CITACIONNAN DEN CASO CARET



E investigacion penal di e tiroteo di 9 di februari 2025, den cual e homber hoben di 19 aña A.C. Lanoy a perde su bida debi na un balapolicia, akeda conclui. E dossier ta cla y a wordo comparti. Den e contexto aki Ministerio Publico a manda e citacionnan pa e

dos sospechosonan y nan defensa.

Manera anuncia anteriormente, Ministerio Publico lo persigui e agentenan policial involvi. Nan ta wordo acusa di complicidad di homicidio.

E caso lo wordo presenta den Corte den Prome Instancia riba diabierna 7 di november den un asina yama regiezitting. E caso penal lo no wordo trata den su contenido. Durante e regiezitting hues ta solamente tuma decisionnan tocante e

pregunta si tin necesidad pa haci investigacion adicional.

Famia di difunto A.C. Lanoy a wordo informa via nan abogado tocante e ultimo desaroyonan aki.

PARTIDO MEP:

PROME MINISTER MIKE EMAN A PINTA ARUBA HOPI MALO NA TV HULANDES

E retonan di nos pais mester di accion cu determinacion

— Prome Minister Mike Eman tabata na Hulanda pa un biahe di dos siman. Durante e dos simannan el'a haci algun bishita, pero ningun cu bo por bisa ta di tal peso cu e mester a keda asina largo den exterior. El'a biaha cu un delegacion grandi, cu ta haci e gastonan enormemente halto.

Tabata mas bien un biahe pa e mehora su imagen na Hulanda, cu a keda cu daño inmenso despues di su welga di hamber 11 aña pasa, y cu ainda na politiek Den Haag ta papia di dje.

E prome reaccionnan no ta mostra positivo. Comentarionan manera 'Esaki no ta e Mike Eman cu nos tabata conoce, e falta vision y pasion', como tambe 'Dicon e ta roga tanto asina, ta manera ta fabornan e ta bin pidi'. Si el'a logra drecha su imagen durante e biahe costoso aki, tempo lo muestra.

Locual si a cai den masha mal tera, ta cu den su afan pa hisa su popularidad, el'a rebaha Aruba den un programa na television hulandes. El'a papia masha malo mes di Aruba, cu

tin pobresa y sushi tur caminda, y pa completa obra, a tira culpa riba turismo.

Aruba tin su retonan, berdad, pero mester di vision y determinacion pa soluciona nan aki na cas, no yoramento y papia malo na television di otro pais. Candidatonan di partido MEP ta constantemente den barionan pa busca firma contra e ley di reino HOFA, y a topa cu varios persona hopi disgusta cu e prome minister, pa e motibo aki. Enbes di goberna nos pais, y



soluciona e retonan, nos ta mira un gobierno cu no ta hasiendo net net nada den gobernacion, nan ta pleita so cu otro, desconfiansa ta bisto tur caminda, kita cartera di otro, y riba dje, e prome minister ta scohe

pa bai yora y keha na television hulandes. Un berguensa total! Tur esaki tin un impacto negativo riba e imagen di Aruba na Hulanda, y ta nos rubianonan biba aya lo sinti e consecuencia.

Minister Geoffrey Wever

ARUBA TA PAGA HULANDA AWE AFL. 90 MIYON RIBA E DEBE DI COVID

Oranjestad, 6 october 2025 —Minister di Finansa, Asunto Economico y Sector Primario, mr. Geoffrey Wever, a anuncia cu awe Aruba a paga un total di 90.1 miyon florin na Hulanda riba e COVID-lening — e prestamo cu Hulanda a pone disponibel durante e periodo critico di pandemia.

E pago ta consisti di 45.8 miyon florin na capital y 44.4 miyon florin na interes, y ta representa e di dos biaha cu Aruba a cumpli cu pago riba

capital. Den total, Aruba a paga 91.6 miyon florin na capital, reduciendo asina e debe di 915.5 miyon florin pa algo menos cu 824 miyon florin.

“E pago di awe ta otro paso concreto den nos compromiso pa fortifica e confianza den maneho di finansa publico y pa demostra cu Aruba ta un pais cu ta cumpli cu su palabra y su obligacion,” Minister Geoffrey Wever a bisa.

Durante pandemia di

COVID-19, entrada di sector publico y priva a cay drásticamente, y Hulanda a asisti Aruba cu liquides pa sigura cu nos economia por a sigui move. Entre 2020 y 2021, Hulanda a otorga nuebe prestamo, cu posteriormente a consolida den un solo prestamo di 915.5 miyon florin, conoci como e COVID-lening.

Na momento cu e debenan a wordo consolida, a termina e periodo liber di interes y a introduci un tasa di interes di 6.9% pa un periodo di 20 ana, cu por

baha te 3%-4% den caso cu aproba un Rijkswet.

“E meta di nos gobierno ta cla: pa gradualmente baha e nivel di debe, cual lo baha e gasto di ineters, cu lo fortifica e estabilidad fiscal y crea un base solido pa crecimiento economico sostenibel, unda cu lo tin un reparticion husto di e rikesa di nos país.

E pago di awe ta confirma e compromiso di Aruba den maneho responsable di finansa publico, un compromiso cu ta



forma parti esencial di e Programa di Gobernacion AVP-FUTURO 2025-2028, cu ta orienta riba estabilidad, crecimiento y bienestar di tur ciudadano.

MISION DI IMF NA ARUBA TA CONCLUI CU UN DIALOGO CONSTRUCTIVO Y VISION POSITIVO RIBA DESAROYO ECONOMICO Y FINANCIERO DI NOS PAIS

Oranjestad, 6 di october 2025 – Dialuna mainta, Prome Minister, Mike Eman hunto cu Minister di Finansa, Asunto Economico y Sector Primario Geoffrey Wever a ricibi e resultadonan preliminar di e Mission Article IV di International Monetary Fund (“IMF”). E Mission Article IV di IMF a tuma lugha durante 23 di september y 6 di october.

Durante e bishita, e delegacion di IMF a reuni cu diferente entidadnan gubernamental, incluyendo Directie Financiën, Banco Central di Aruba (CBA) y otro institucionnan relevante, pa evalua e situacion actual y futuro di Aruba riba tereno financiero, economico y monetario.

E mision di IMF ta parti di un proceso anual di guia y conseho cu tur pais-miembro di IMF ta pasa pa garantisar un evaluacion independiente di su política fiscal y economico. Pa Aruba, esaki ta un oportunidad pa fortalece transparencia, credibilidad y consistencia den nos maneho financiero y pa confirma cu nos pais ta riba e caminda corecto di estabilidad y sostenibilidad.

Reconocimento pa progreso y liderazgo financiero

Durante e reunion di clausura, e delegacion di IMF, encabezada pa sr. Marco Arena, a expresa su aprecio pa e nivel di colaboracion y transparencia di e Gobierno di Aruba. Segun IMF, Aruba a logra stabilisa su recuperacion economico despues di e shock global di COVID-19, y su maneho prudente di finansa público ta contribui na estabilidad economico actual.

E delegacion a nota tambe cu Gobierno ta demostra liderazgo y disciplina fiscal den su maneho di presupuesto, mientras cu e política pa reduci deficit y controla gasto ta duna resultado visibel.

Minister Geoffrey Wever a remarca cu:

“E cooperacion cu IMF ta un reflejo di e tipo di gobernacion cu nos ta aspira: un cu ta basa riba responsabilidad, transparencia y planificacion strategico. E evaluacionnan di IMF ta confirma cu Aruba ta moviendo den e direccion corecto pa fortifica su base economico y financiero, den beneficio di nos pais y nos ciudadanonan.”



Presupuesto 2026: un presupuesto pa crecimiento y estabilidad

Minister Wever a informa cu despues di solamente cinco luna di huramentacion, Gabinete AVP-FUTURO a logra entrega e Presupuesto 2026 na tempo, conforme ley y e normanan fiscal vigente. E presupuesto aki ta un muestra di gobernacion responsable y simbolisa un compromiso serio cu estabilidad y crecimiento.

Den e presupuesto, Gobierno ta aloca 50 miyon florin pa inversion structural y un otro 50 miyon florin pa mehoracion di poder di compra, como parti di implementacion di e Fondo di Inversion y Koopkrachtplan. Esaki ta un paso concreto pa fortalece e infraestructura di nos pais y albes duna alivio financiero na ciudadanonan di nos pais.

E minister tambe a resalta cu e bahada di accijnzen riba gasolin y diesel pa tur usuario ta cu 10 cent ta keda vigente, y cu e pago mensual di 250 florin pa tur pensionado ta sigui forma parti di e politica pa fortifica poder di compra den comunidad.

Diversificacion economico y inovacion como base di futuro

IMF a expresa apoyo pa e direccion economico di Aruba, specialmente den e esfuerso di Gobierno pa diversifica e base economico y reduci dependencia di un solo sector.

Minister Wever a splica cu via cooperacion cu

Hulanda den cuadro di e Landspakket, y den marco di e Programa di Gobernacion AVP-FUTURO 2025-2028, Aruba ta implementando paso concreto pa desaroya sectornan innovador manera agricultura comercial, industria creativo y sector di tecnologia financiero (FinTech).


“Diversificacion no ta un opcion, e ta un necesidad. E estabilidad di nos paisita depende di e capacidad pa crea mas fuente di ingreso y mas oportunidad pa nos ciudadanonan. Nos ta trahando pa desaroya un economia moderno, sostenibel y competitivo,” minister Wever a bisa.

Compromiso continuo cu gobernacion sostenibel

Minister Wever a conclui e reunion expresando su gratitud na e delegacion di IMF pa su colaboracion y recomendacionnan constructivo. E a reafirma cu Aruba lo sigui traha den e spirito di transparencia y responsabilidad fiscal, cu un enfoque constante riba progreso, sostenibilidad y bienestar di su pueblo.

“E cooperacion cu IMF ta un instrumento valioso pa sigura cu nos maneho ta riba caminda di estabilidad y progreso. Aruba ta comprometé pa mantene disciplina fiscal, pero tambe pa crea espacio pa crecimiento y inovacion. Nos pais ta riba caminda firme pa un futuro di prosperidad comparti,” minister Wever a conclui.

Parlamentario Danguí Oduber: “TA URGÍ PA INTRODUCI REGULACION PA VACATION RENTALS MAS LIHE CU TA POSIBEL”



terenonan pa hende cu kier traha of cumpra un cas ta hopi limita y tereno nan na benta ta practicamente impagabel pa nos localnan. “E situacion na Aruba a bira insostenibel. Mientras famianan local ta lucha pa yega na un lugar pa biba, tin cientos di cas cu ta wordo uza pa vacation rental sin control ni regulacion,” asina Oduber a remarca.

Parlamentario Oduber, como ex-Minister di Turismo, a recorda cu durante su periodo a traha riba e Landsverordening instelling Aruba Quality and Hospitality Authority (AQHA), un ley cu mester regula e sector di vacation rentals y establece un autoridad pa supervisa esaki.

“Gobierno y Parlamento anterior y actual ya a reconoce cu regulacion ta necesario. Como ex-Minister di Turismo mi a bin ta traha riba e ley pa

controla y regula vacation rentals y ultimo un mocion a wordo aproba den Parlamento riba e tematica aki. Pero te cu awo, nos no a ricibi niun informacion di Minister Ciliax con esaki ta canando. Nos mester proteha e mercado di vivienda y sigura cu turismo ta sigui crece den un manera sostenibel na bienestar di nos localnan,” Oduber a agrega.

Nos ta mira con tur luna pa aña 2025 grado di

ocupacion di hotelnan ta sigui cay, mientras gobierno ta keda man cruza sin actua pa introduci regulacion pa vacation rentals.

Parlamentario Oduber ta spera cu e reunionnan di comision lo wordo yama a corto plaso, pa asina Parlamento por wordo informa con leu ta cu e trayecto di ley y pa ki dia nos por spera cu e ta wordo entrega.

Miembro di Parlamento sr. Danguí Oduber, a bolbe entrega dos peticion formal na Presidente di Parlamento sr. Sneek y Presidente di comision di turismo, sra. Arends-Reyes. E peticionnan ta pa yama reunionnan di comision cu AHATA y cu

Minister di Turismo, sr. Ciliax, pa brinda atencion urgente riba e situacion y falta di regulacion di vacation rentals na Aruba.

Segun Oduber, Aruba ta enfrentando un problema serio di escasez di vivienda, mientras

Clasificados

CLASSIFIEDS

SOLODIPUEBLO@GMAIL.COM
CEL.585 9500

MINISTER DI LABOR MR. WENDRICK CICILIA TRAHANDO RIBA INTRODUCCION DI “JEUGDMINIMUMLOON”

Oranjestad - Minister mr. Wendrick Cicilia ta avansando riba e tema di jeugdminimumloon (salario minimo pa hobennan). E mandatario a indica cu ta trahando duro pa logra introduci jeugdminimumloon pa 1 di januari 2026. E echo aki ta refleha e compromiso pa ehecuta un maneho di laboral cu ta enfoca riba mehora e proteccion di tur esnan cu ta participa den nos mercado laboral. Den e liña di cambia di e sistematica cu calcula salario minimo pa ora, awo ta na turno inclui mas proteccion pa nos hobennan den nos leynan

y nos regulacionan laboral.

E mandatario e indica cu ta un placer pa por traha ariba un concepto cu ta carga e aprobacion amplio di Parlamento di Aruba. Minister Wendrick Cicilia a referi bek na reunion publico cu a tuma luga riba 2 di september unda e traha e ley di salario minimo pa ora. Tur fraccion den Parlamento di Aruba a aproba un mocion presenta pa introduci “jeugdminimumloon”. Minister Cicilia a indica cu e union riba e tema aki ta su motivacion pa keda cla cu ne prome cu 1 di januari 2026.

E mandatario su tarea ta pa regla den un Landsbesluit (decreto) e introduccion di e jeugdminimumloon. Minister mr. Wendrick Cicilia a indica cu e ta satisfecho cu e avance y ta convenci cu pa dia 1 di januari 2026 tur cos lo ta cla pa introduci e “jeugdminimumloon”.

Aruba ta e unico pais den Reino sin un “jeugdminimumloon”

Locual ta remarcabel ta e echo cu tur otro pais den Reino Hulandes ya caba a introduci e “jeugdminimumloon”. Aruba ta unico pais cu

ainda no e regla esaki.

Minister mr. Wendrick Cicilia e indica: “Na momento cu ta trata di proteccion di nos hendenan y mas aun nos hobennan, nos NO por keda atras, mester actua awor.”

Corsou, Bonaire, Sint Maarten y tambe e islanan BES a tuma e paso aki caba. Aruba no por keda atras. Pa e motibo aki, e mandatario a pone e tema aki como prioridad, generando un aprobacion di conseho di minister pa duna prioridad den e proceso legislativo. Den



e contexto internacional, diferente pais na mundo a introduci esaki pa asina cumpli cu e norma internacional prescribi pa ILO (International Labour Organization). E proceso aki tambe ta garantisa cu Aruba ta cumpli cu e normanan internacional di labor

MINISTER GEOFFREY WEVER, MINISTER WYATT RAS, OUDERENZAKEN Y SANTA ROSA A FIRMA ACUERDO PA NOS ADULTONAN MAYOR

Oranjestad, Aruba – Dialuna tardi den sala di edificio di Ouderen Zaken Minister di Finansa, Asunto di Economico y Sector Primario, Geoffrey Wever, conhuntamente cu Minister di Cuido di Adulto Mayor sra. Wyatt-Ras, Ouderenzaken y Santa Rosa a firma un acuerdo pa asina crea actividad nan relaciona cu agricultura, cria y pesca.

E iniciativa aki ta algo pa stimula y promove participacion activo di nos adultonan mayor pa medio di iniciativanan riba tereno di agricultura, cria y pesca. Esaki ta parti di e vision di Gabinete AVP-Futuro y asina duna contenido na e vision aki door di crea un ambiente accesivo pa nos adulto nan mayor


tambe. E iniciativa aki lo sirbi dos proposito cu ta stimula e sector primario como tambe e participacion activo di nos adultonan mayor. Participacion activo di nos adultonan mayor den nos sociedad ta algo cu ta beneficia nan pa sigi cu un bida digno y saludabel. Nan conocimiento y experiencia ta uno balioso cu ta fortifica nos pais.

“Mi ta contento di mira con awe dos Ministerio y institucionan ta bin hunto pa e bon comun,” Minister Wever a cuminsa ta bisa, “Mi kier a gradici Ministerio di Asuntonan di Adulto Mayor hunto cu Ouderenzaken y Santa Rosa pa a bini cu e bunita proyecto aki y ta invita tur adulto mayor pa sigi esaki di serca pa asina ta al tanto

di actividad nan unda nan por participa na dje, paso nan merece un bida digno, inclusivo, sostenibel y humano den nos comunidad.”

Santa Rosa y DOZ lo organisa diferente proyectonan cu ta uni movimiento, naturalesa y comunidad . Manera:

- Fiesta den Hardin: un actividad anual y inclusivo pa adultonan mayor na Santa Rosa, caminda alegria, naturalesa y encuentro social ta central.
- Hardin rond di casnan di cuido: pa crea un ambiente tranquil, agradabel y saludabel na casnan di cuido, caminda adultonan mayor por ta activo y relaha den contacto cu naturalesa.
- Proyecto di pesca pa



adultonan mayor y hobennan: pa uni generacionnan pa preserva tradicion y conocimiento local di piscamento. E acuerdo firma ta reforsa e colaboracion entre gobierno, institucionnan y comunidad pa promove bienestar social y salubridad, pa un Aruba mas fuerte, mas saludabel y mas humano.

Parlamentario Evelyn Wever-Croes


Evelyn Wever-Croes ta felicita Franklin Seute

DI DOS EDICION DI E BUKI “LIVING RICH AS A STUDENT IN THE NETHERLANDS”



P’e tabata un honor di por a ricibi un limited edition hard cover na Universidad di Aruba caminda cu e

buki a wordo presenta. Franklin ta un inspiracion pa hopi. Pabien!



Diasabra ultimo Franklin Seute a publica su buki “Living rich as a student in the Netherlands” 2nd edition. Un buki cu hopi tips y conseho pa esnan cu kier bai studia, of ta studiando caba.

El’a skirbi e bukinan aki basa riba su propio experiencia durante su estudio na Hulanda, y kier a yuda mas hoben. “Pami ta un honor di por a contribui cu un endorsement den e buki aki, y mi ta gradici Franklin un biaha mas pa comparti su experiencianan cu demas hobennan. Mare e buki aki tabata obtenibel tempo cu ami tabata studia” lider di MEP, Evelyn Wever-Croes a duna di conoce.



Aruba ta briya na UNESCO

MONDIACULT 2025



Barcelona / Oranjestad, 3 di oktober 2025 — Aruba a tuma parti den UNESCO MONDIACULT 2025, e conferencia mundial mas grandi riba cultura, cu


mas di 160 pais presente. E delegacion di Aruba tabata dirigi pa Michael Lampe, Diplomatico Cultural y Lider di Delegacion, acompaña pa Liesje Proveyer di Departamento di Cultura Aruba (DCA) como representante di juventud, y Ray-Anne Hernandez di UNESCO

Aruba National Commission. E tema prinsipal di MONDIACULT 2025 ta cla: cultura mester wordo trata como un pilar fundamental pa desaroyo sostenibel, igual cu educacion y salud.

Palabra di Lider di Delegacion, Michael

Lampe
“Mi ta sumamente orguyoso di e delegacion di Aruba na MONDIACULT 2025. Nos hunto a demostra cu cultura ta e fundeshi di nos identidad y futuro. Aruba por ta chikito, pero ora nos uni nos voznan y experticio nos por pone Aruba su voz resona fuerte den mundo.”

HALLOWEEN CROSSWORD



Across

5. Covers your face on Halloween
7. Always Trick-or-Treat with a _____
9. He's all wrapped up in rags
10. A bony monster

Down

1. Prank played on Halloween night
2. Most common Halloween color
3. What witches fly on
4. A word used to scare people
6. They fly in the sky at night
8. Vampires use these to bite

Clasificados



SOLODIPUEBLO@GMAIL.COM

CEL.585 9500



ARTE Y TALENTO A DOMINA DEN BAN BEK CAYA DIABIerna ULTIMO

Diabierna a tuma luga Ban Bek Caya edicion Arte y Talento. Centro di ciudad un biaha mas a yena cu bida y e biaha aki cu un caya adicional. Wilhelminastraat tambe a forma parti di e evento/ iniciativa aki, caminda cu comerciantenan ta pone schouder hunto cu gobierno pa trece movicion den Caya Grandi bek.

For di tempran a cuminsa mira movicion, tiendenan cu orario adapta, diferente establecimiento cu mesa y stoel pafo pa asina brinda nan servicio den un manera diferente. Ademas tabatin musica y entretenimento den tur skina, mientras cu mas y mas hende tabata yegando. Edicon #4 di Ban Bek Caya tabata concentra riba Arte y Talento, caminda



por a mira cu cada Plasa a brinda espacio na musica, declamacion y hasta debate di nos hobennan di Parlamento Hubenil.

For di comienso y riba henter e ruta por a tuma nota tambe di nos artistanan local, riba

Steelpan como e Cahanan di Orgel cu a hala masha hopi hende y atencion. Hopi ta e bishitantenan cu a probecha di filma y saca potret cu nan.

Ban Bek Caya edicion 4 tabatin un surtido hopi amplio di cuminda pa tur hende y e bandanan a

deleita tur presente durante di e anochi di compra. E comerciantenan a keda cu porta habri pa benta te final.

Esfuerso di tur partner ta di sumo importancia pa sigui crece e iniciativa aki y ta gradici e sosten di tur cu ta forma parti di dje.



Clasificados

SOLODIPUEBLO@GMAIL.COM
CEL. 585 9500

ARTE Y TALENTO A DOMINA DEN BAN BEK CAYA DIABIerna ULTIMO



Parlamentario Jennifer Arends-Reyes

MAESTRO TA ESENCIAL PA PROGRESO DI NOS PAIS Y MERECE ATENCION



ORANJESTAD (6 di october 2025) - Diadomingo ultimo, 5 di october a celebra Dia Mundial di Maestro; momento pa gradici tur maestro cu ta contribui den progreso di enseñansa. Alabes un momento pa reflexiona riba e impacto profundo cu maestronan tin riba e formacion di e

futuro generacion. Aruba no ta diferente. E rol di e maestro ta vital den comunidad—nan ta mas cu un fuente di enseñansa, nan ta guia, inspiracion y sosten pa hobennan cu ta crece den un mundo dinamico.

Tema pa e aña aki, "E maestronan cu nos mester: pa e educacion cu

nos kier," ta pone enfasis riba e necesidad di sosten pa maestronan den tur aspecto—motivacion, profesional y personal. Den un epoca cu retonan ta grandi, desde tecnologia te problemanan social, nos maestronan mester tur e apoyo pa por sigui motiva y inspira nos muchanan y studiantenan.

"Aruba mester pone enfoko riba desaroyo continuo di docentenan via formacion den servicio y traha riba mehora e bienestar di e profesion. Promove un ambiente laboral cu ta stimula y ta husto pa tur grupo di maestro, ta fundamental pa retene y sostene nos maestronan," Sra. Arends-

FIESTA DI CUNUCU PA NOS GRANDINAN

Durante e luna di october nos ta celebra e luna di Adulto Mayor. Tur aña ta scohe pa un tema diferente y e aña aki nos ta dedica atencion na con adultonan mayor ta duna impulso na accion local y global. Tambe nos ta pone enfasis riba e aspiracionnan, e derechonan y e bienestar general di adultonan mayor di Aruba. En conexion cu celebracion aki, Directie Ouderenzaken (DOZ) conhuntamente cu Departamento di Agricultura, Cria y Pesca (Santa Rosa) ta organisa un Fiesta di Cunucu pa nos grandinan.

Den luna di october, Santa Rosa tambe ta celebra e dia Mundial di Alimentacion. En conexion cu dia aki cu ta wordo celebra tur aña riba dia 16 di October, Santa Rosa ta uni forsa cu Directie Ouderenzaken pa promove e cultivo local y sostenibel di alimentonan.

Durante di e Fiesta di Cunucu lo tin bendemento di fruta, berduza y mata y tambe lo tin un competencia di cuminda crioyo pa promove nos cultura di alimentonan local. Un grupo di

experto lo fungi como hurado y lo scoge e plato crioyo ganador.

Diferente grupo di adultonan mayor cu ta organisa actividadnan social y recreativo lo ta presente na e fiesta pa bende cuminda, obra di man y mucho mas. Di e forma aki nan por recauda fondo pa por haci mas actividad pa adultonan mayor. Durante di e Fiesta di Cunucu tambe lo reconoce nos heroenan local, esta adultonan mayor cu a duna un contribucion grandi na e comunidad di Aruba.

E Fiesta di Cunucu lo tuma lugar riba diadomingo 12 di october for di 9 or di mainta te cu 1 or di atardi na Santa Rosa. Durante e fiesta di cunucu lo tin tent, mesa y stoel disponibel pa esnan presente por sinta den fresco. E grupo tipico Enkura lo ta encarga pa e bon musica.

E pueblo di Aruba ta cordialmente invita pa bin celebra hunto cu nos y aporta na e actividadnan di gruponan social dedica na mehora e bienestar di nos adultonan mayor.

Fiesta Di Cunucu
Pa Nos Grandinan

12 DI OCTOBER 2025
9 AM - 1 PM
SANTA ROSA

Bin forma parti di e celebracion di Luna Di Adulto Mayor enconhunto cu Dia Mundial di Alimentacion

Actividadnan

- Bendemento di obra di man
- Cuminda Crioyo
- Mata
- Y mucho mas!

Logos at the bottom: Ministry of Public Health, Social Affairs, Safety Care and Addiction Management; Directie Ouderenzaken; Santa Rosa (Department of Agriculture, Cria y Pesca); Ministry of Finance, Economic Affairs and the Primary Sector.

INVITACION GENERAL NA COMUNIDAD PA PARTICIPA DEN SEMINARIO

“SALUD MENTAL Y BIENESTAR”

ORGANISA PA ONE HAPPY ISLAND LIONS CLUB ARUBA

Diahuebs 9 di october na MFA Noord y porta ta habri pa 6:30 pm y entrada ta gratis!

Den cuadro di e Siman Mundial di Salud Mental (4-12 di october, 2025), y siguiendo e liderato di Presidente Internacional di Lions Clubs International, A.P. Singh, One Happy Island Lions Club Aruba ta uni cu Lions Clubnan rond di mundo pa promove consciencia, bienestar y compasion mental.

E iniciativa global, cu ta un yamada pa accion pa cuida nos mes, eleva otro y kibra e prehuicio rond di salud mental, ta enfatisa e importancia di bienestar emocional y humano como prioridad mundial.

Como parti di esaki, One Happy Island Lions Club Aruba ta invita publico general pa asisti na e Seminario “Salud Mental y Bienestar”, cu lo tuma luga diahuebs, 9 di october 2025, na MFA Noord. Porta ta habri pa 6:30 di atardi. E actividad lo wordo facilita pa Paula Giraldo, cu lo inspira riba “Bida Positivo & Resiliencia”.

E seminario aki ta destina pa hoben, adulto y adulto mayor. Esaki ta un yamada di accion pa cuida bo mes, yuda otro.

Durante e sesion, e participantenan lo por siña y experimenta un variedad di tema y ehercicio practico riba

salud mental y bienestar personal. Lo presenta Guia Basico pa Salud Mental, cual lo trata e.o. Kico ta Salud Mental y Bienestar, reconoce signo di stress, depresion y crisis y e papel di comunidad den apoya y duna muestra di empatia. Ademas lo trata Maneho di Stress y Ansiedad, den cual lo amplia riba e.o. Tecnicanan practico pa controla stress y evita burn-out, Tips di mindfulness y organizacion di dia y e importancia di biba den habito saludabel tanto den nutricion y movecion.

Pa esnan cu yega tempran prome cu e seminario lo tin un sesion special di Tecnica AromaTouch na man, pa promove



relacion y balanse interior. Entrada lo ta completamente gratis, trece un sonrisa y un

deseo pa siña y crece.

“Hunto nos por crea un mundo unda bienestar mental ta prioridad di tur hende.”

Minister Gerlien Croes: EPB TA CELEBRA UN MOMENTO HISTORICO CU LANSAMENTO OFICIAL DI FIX-PAPIAMENTO Y CARIBISCH KEUKEN

ORANJESTAD, 6 di october 2025 – Stichting EPB a marca un paso historico pa educacion na Aruba cu e lansamento oficial di Fix-Papiamento y e modulo Caribisch Keuken. Dos proyecto innovativo cu ta uni tecnologia, idioma y nos herencia culinario, y cu ta muestra claramente e vision di EPB pa sigui modernisa y fortifica e sector educacional.

Fix-Papiamento ta un plataforma digital interactivo cu ta duna oportunidad pa studiantenan siña papiamento den un manera dinamico y



actualisa. A traha cu sosten di docentenan y alumnonan mes, e metodo

aki ta un avance grandi cu ta pone papiamento den un bachi digital pa por

sigui ta compatibel cu otro idiomanan escolar.

E modulo Caribisch Keuken, diseña den colaboracion cu e chef y editor di examen di EPB, ta reforsa nos herencia culinario y ta

di orguyo cultural cu formacion profesional.

Minister di Educacion, mr. Gerlien Croes, a expresa su orguyo y aprecio pa cu e proyectonan aki: “Esaki ta un gran logro pa Aruba. Nos ta mira dos proyecto cu ta integra idioma, cultura y innovacion, algo cu lo sin duda fortifica educacion y forma parti di nos desaroyo nacional. Mi ta sumamente orguyoso di tur esnan cu a y ta forma parti di esaki – di Stichting EPB te na staff, comision y partnernan cu a haci esaki posibel”.

E lansamento di Fix-Papiamento y Caribisch Keuken ta cay den marco di e celebracion di 30 aña di existencia di EPB na mes momento, un aniversario cu ta pone enfasis riba tres decada di dedicacion, crecimiento y innovacion den educacion profesional.

duna studiantenan un les acredita riba nivel MBO. E proyecto aki ta un union

SOPI DI LETRANAN

HALLOWEEN

Word Search

s	k	e	e	g	h	o	s	t	i	b	o
t	o	l	e	t	o	n	a	n	t	c	o
m	o	n	t	z	o	m	b	i	r	e	a
t	k	s	c	a	n	d	b	e	k	m	t
o	t	t	e	r	u	y	v	a	m	p	i
h	a	u	n	e	o	w	i	p	e	e	r
c	y	c	t	e	d	e	t	k	p	u	m
o	m	u	s	m	o	a	c	u	p	b	p
s	i	m	a	s	o	n	h	i	a	n	k
t	y	m	k	y	r	a	c	b	r	t	i
u	m	s	o	d	t	r	i	a	u	y	n
o	e	p	o	y	e	k	c	t	i	c	c

candy
skeleton
spooky
treat

boo
costume
bat
witch

ghost
trick
vampire
mummy

haunted
moon
pumpkin
zombie

party
monster



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balar pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita generacion ariba ecaminda a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

FORTALEZA PA FAMIA

Scirbi pa Pastor Marcel Balootje.

SOLAMENTE CRISTO HESUS TA LIBRA HENDE DI TUR MAL INFLUENCIA

Tin un nubia di mal influencia ta pasando rond y hopi hende no ta nota esey, pero di berdad e ta presente. Awor mal influencia por wordo combati , door di entrega nos bida completamente na Cristo Hesus, asina nos por tin un bida oracion, cual ta comunicacion cu Dios , Kende por libra nos di tur mal influencia.

Ora nos ta mira accidente ta tuma lugar pa motibo di buracheria, crimen ta tuma lugar pa motibo di rabia y falta di pordon. Tanto inmoralidad y malicia cu tin den aire nos tin cu compronde e atake di mal influencia cu ta bay rond.

No ta pornada e palabra di Dios, ta bisa pa nos sea sobrio , sea alerta pasobra boso adversario e diabel ta cana rond manera un leon cu ta grunja, buscando ken e por devora.(1 Pedro 5:8).



No ta pornada e palabra di Dios ta bisa; Somete boso mes na Dios, resiti e diabel y e lo huy for di boso. Hala serca Dios y E lo hala serca boso.(Santiago 4:7-8)

Ta para scirbi den Mateo 26:41: Keda vigila y haci oracion, pa boso no cay den tentacion, e spirito ta voluntario, ma e carni ta debil.

Ta kico mas tin cu sosode pa hende cuminsa nota e berdadero necesidad di Dios, den nan bida,pasobra awor mas cu nunca nos ta mira cu nos relacion cu Dios mester ta berdadero, cu nos no ta biba pa religion, pero pa relacion cu Dios.

E ladron ta bini solamente pa horta, pa mata y pa destrui, Ami ta bini pa nan tin bida, y pa nan tine na abundancia. (Juan 10:10).

No ta tempo pa haci wega cu maldad, pasobra nos ta bibando den tempo trabahoso, caminda un cos chikito por bira algo grandi, ripara con un tiki alcohol y droga por causa un accidente grandi, y hasta cu morto.

Un amistad sin dominio propio por hiba na infielidad matrimonial, y asina causa inmoralidad, adulterio, y perdida di famia y tur otro cos.

Un bida influencia pa mentira, por causa danjo cu ta dificil pa drecha den un

famia, pasobra mentira ta haci hende iresponsabel.

Wak cuanto accidente ta tumando lugar, pasobra te ainda hende no kier kere cu e presencia di diabel ta real, y e ta bini pa destrai hende for di e palabra di Dios, y esun cu no ta busca Dios, ta cay den su trampa.

Nos tur ta vulnerabel pa atake di mal influencia, pesey nos mester tin un bida dedica na Dios, caminda Cristo Hesus ta na prome lugar den nos curason, pa asina nos wordo libra di tentacion.

Les a bon kico e palabra di Dios ta bisa y sea alerta no ta tempo pa drumi, ta tempo pa ta lanta y firme den Senjor:

E hustu ta un guia pa su prohimo,ma caminda di e malbadonan ta haci nan cana dwaal.(Proverbionan 12:26).

No laga ningun hende ganja boso: Mal compania ta danja bon custumber.(1 Corintionan 15:33).

Esun cu anda cu hende sabi, lo ta sabi,ma un companjero di hende bobo lo sufri danjo. (Proverbionan 13:20).

Bandona e presencia di un hende bobo, sino lo bo no diserni palabranan di conocemento (Proverbionan 14:7).

Ma awor mi ta scirbi boso pa no asosia cu ningun hende cu ta ruman pa nomber,si e ta un hende inmoral,of golos pa placa,of un adorado di Dios falso, of un blasfemador, of un burache,of un estafador,pa ni come mes hunto cu un hende asina.(1 Corintionan 5:11).

Ta di berdad cu nos mester mantene un bida dedica na Senjor.

Señor ta mi wardador, mi'n tin falta di nada. Den cunucu di yerba berde e ta ponemi sosega.

E ta hibami na awa tranquil, pa mi bolbe haña forsa".
Salmo: 23

Cu dolor na nos curason, nos ta participa fayecimento di nos ser stima



Helenus Koolman-Wernet
"Machi / Nena"

Augustus 18, 1934 - October 5, 2025

Acto di entiero lo wordo anuncia despues

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia 🎡 - October 07, 2025

CATOCCHI
Sorteo # 4765
5088
7981
2800
MULTI X
X2
BIG 4
Sorteo # 4765
8340
MULTI X
FP
10FF
Sorteo # 2821
7489
ZODIAC
Sorteo # 4765
0584
Cancer
LUCKY 3
Sorteo # 1639
318
MULTI X
X5

LOTTO 5	
Sorteo #	Joker Letter
0 x Jackpot	Proximo Jackpot
0 x Match 4+	150.000,-
0 x Match 4	
0 x Afl. 12.00	
LOTTO DIA	
Sorteo #	Proximo Jackpot
0 x Jackpot	50.000,-
0 x Match 4	
0 x Afl. 8.00	

MEGA	
Sorteo #	Mega Ball
0 x Jackpot	Proximo Jackpot
0 x match 4	310.000,-
0 x Afl. 500.00	
0 x Afl. 50.00	
0 x Afl. 15.00	
MEGA PLUS	Afl. 410.000,-
KORSOU	
Sorteo #	
	

